

ЁШ БОЛАНИНГ ИШИ

Халқимиз жуда болажон ҳалқ. Ўз фарзандлари, навара-чеварапаридан, керак бўлса, жонини ҳам аяб ўтирмайди. Биздаги болажонлик шу қадар қон-қонимизга шунчалик сингиб кетганки, ёшимиз бир жойга борганда ҳам болалик шўхликлари кўнгилни тарк этмайди. “Ундоқ қилма, бундоқ бўл”, деб ёшларга насиҳат қиласиз-у, баъзида ўзимиз уларнинг олдига тушиб қоламиз. Бундой дейишининг сабаби, бугунги кунда коронавирус пандемияси сабабли юртимизда амал қилинаётган карантин қоидаларини бузаётганлар орасида катта ёшдагилар ҳам кам эмас.

Кунлик расмий хабарлардан маълум бўлмоқдаки, дунёning кўплаб мамлакатлари қаторида юртимизга ҳам кириб келган ушбу хавфли вирус туфайли ҳолат бирмунча жиддий. Аксарият аҳолимиз “Ўйда қолинг” даъватига, вазият тақозо этган тартибларга қатъий риоя қилмоқда. Аммо олиб борилаётган тушунтириш ишгларига қарамай, одамлар орасида карантин қоидаларини менсимаслик ҳолатлари учраётгани жуда ташвишли. Халқ таъбири билан айтганда “дунё бехабар” бундай одамлар асл вазияни тушуниб етмаяпти. Натижада уларга қонуний чоралар кўрилаяпти.

Дарвоҷе, қўлланилаётган ўша қонуний чоралар ҳақида. Чоралар асосан жарима кўринишида бўлмоқда. Демакки, ўша кимсанинг оилавий бюджетига яхшигина зиён етмоқда. Ўша маблағларни яхши ишларга, яъниким, оиласи фаровонлиги йўлида сарфласа бўлмасми! Яна ўзидан эмас, унинг карантин талабларига итоатсизлиги учун чора кўрганлардан, давлатдан нолиди.

Карантин даври, аслида кўпга келга тўй. Бирин-кетин ўтиб бораётган синовли кунлар одамларни бир-бирига янада яқин қиляпти, ҳамжиҳатлигимиз бирмунча мустаҳкамланиб бораяпти. Кўпчиликнинг соғлиқ, ҳаёт қадрига етмоқда. Орзу-мақсадларига етиш йўлида сабр-тоқат билан яшамоқда. “Ўйда қолинг” даъвати оилаларимизга, хонадонларимизга гўё нур олиб кирди. Оталар уйда, фарзандлар уйда, тарбия, маърифат сабоқлари кучайди, китобхонлик, оилавий мутолаа таомилга айланди. Ўй-рўзғорнинг ҳар қандай юмуши кўпчилик билан ҳамжиҳат бартараф этилмоқда.

Мамлакатимиз бўйлаб пандемия муносабати билан кучли инсонпарварлик сиёсати олиб борилмоқда. Ҳар бир касалланган bemor, карантинга олинганлар мутахассисларнинг қатъий назоратида. Ўйда қолаётган аҳоли учун етарли шароитлар, янги имкониятлар мухайё этилмоқда. Йирик ишлаб чиқариш корхоналари бир зум тўхтамай ишламоқда. Ўрта ва кичик бизнес субъектларига ишончли имтиёзлар тақдим этилмоқда. Қишлоқ хўжалиги соҳасидаги ишлар жадаллик билан олиб борилмоқда. Энг аҳамиятлиси, давлатимиз раҳбаридан тортиб ҳоким ва соҳавий мутахассислар мазкур синовдан талафотларсиз ўтишимиз кераклигини, бунинг учун ҳар биримиздан талаб қилинаётган биттагина нарса – уйда қолишимиизни, вирусни юқтириб олишдан тийилишиимиизни ёки касаллик тарқатувчиси бўлиб қолишдан сақланишиимиизни ҳар куни, ҳар соатда ҳеч эринмай, қайта-қайта уқдирмоқдалар.

Шундай экан, ҳар биримиз ёш болаларча иш тутмайлик, уйда қолиб, коронавируснинг юртимиздан тезроқ даф бўлишига, кечаги қайноқ ҳаётимизнинг қайтишига имкон қадар, чин дилдан ҳисса қўшайлик!

Қувасой шаҳар ҳокимлиги

Ахборот хизмати.